



## GRIJANJE

Javno preduzeće "Grijanje" d.o.o. Zenica, Bilmišće br.107, 72 000 Zenica  
telefon +387 32 423 097, fax +387 32 423 099  
www.grijanjezenica.ba

Na osnovu člana 69. stav (1) tačka b) i (2) tačka d) i člana 70. stav (1) i (4) Zakona o javnim nabavkama („Službeni glasnik BiH“ br. 39/14, 59/22 i 50/24), člana 37. Statuta Javnog preduzeća „Grijanje“ d.o.o. Zenica (u daljem tekstu: ugovorni organ) u skladu sa preporukom Komisije za nabavke u postupcima po konkurentskom zahtjevu za dostavu ponuda i za otvorene postupke nabavke za 2025. godinu broj: 593/26 od 20.01.2026. godine, Uprava Javnog preduzeća „Grijanje“ d.o.o. Zenica, donosi

### O D L U K U o poništenju postupka javne nabavke

#### I

Poništava se postupak javne nabavke robe – Teretna vozila, putem otvorenog postupka nabavke, Obavještenje o nabavci broj: 1091-1-1-578-3-58/25 od 25.12.2025. godine.

#### II

Ova odluka stupa na snagu danom donošenja i objavit će se na web stranici Javnog preduzeća "Grijanje" d.o.o. Zenica.

#### Obrazloženje

Dana 25.12.2025. godine Ugovorni organ sačinio je tendersku dokumentaciju broj: 13682/25 za nabavku robe – Teretna vozila, putem otvorenog postupka nabavke, procijenjene vrijednosti 22.000,00 KM, Obavještenje o nabavci broj: 1091-1-1-578-3-58/25 od 25.12.2025. godine objavljeno na portalu javnih nabavki: ejn.gov.ba.

Rok za dostavljanje ponuda je bio 15.01.2026. godine do 10:30 sati.

Dana 15.01.2026. godine u 11:00 sati, Komisija za nabavke u postupcima po konkurentskom zahtjevu za dostavu ponuda i za otvorene postupke nabavke je izvršila otvaranje blagovremeno dostavljenih ponuda, te konstatovala da je u roku za dostavljanje ponuda dostavljena 1 (jedna) ponuda i to:

1. „**METALEX TRUCK**“ d.o.o. Busovača, Bukovci bb, 72260 Busovača sa ponudnom cijenom od **21.200,00KM** bez PDV-a.

Pregledom i provjerom dostavljene dokumentacije ponuđača „METALEX TRUCK“ d.o.o. Busovača, Bukovci bb, 72260 Busovača, Komisija za nabavke je utvrdila da ista nije u skladu sa zahtjevima iz tenderske dokumentacije, kako slijedi:

- na strani 1. PRILOG I Obrazac za ponudu, u dijelu "ukupna cijena za ugovor" unesen je numerički izraz 24.804,00 KM, dok slovima je uneseno „dvadesetčetirihiljadeosamsto“, a treba da stoji **dvadesetčetirihiljadeosamstočetiri;**
- na strani 5. PRILOG II Obrazac za cijenu ponude:
  - nije popunjena kolona 6 (jedinična cijena bez PDV-a) i kolona 7 (ukupna cijena bez PDV-a),
  - nije popunjena stavka ukupna cijena sa popustom bez PDV-a;
- na strani 27. Povjerljive informacije PRILOG V, pečat preduzeća nije stavljen na mjestu predviđenom za pečat, nego na dnu stranice;
- nacrt Ugovora PRILOG VI - Nacrt Ugovora je dostavljen nepotpisan, nepopunjen i neovjeren.

Shodno navedenom, ponuda ponuđača „METALEX TRUCK“ d.o.o. Busovača je ocijenjena kao **NEPRAVILNA**, u skladu sa članom 2. tačka 1) stavka 3. Zakona o javnim nabavkama, jer ista ne ispunjava sve zahtjeve iz tenderske dokumentacije i uslove za dalje učešće u postupku javne nabavke.

Komisija za nabavke dala je preporuku ugovornom organu da u smislu člana 69. stav (1) tačka b) i stav (2) tačka d), te člana 70. stav (4) Zakona o javnim nabavkama da može donijeti Odluku o poništenju postupka za nabavku robe – Teretna vozila.

Shodno naprijed navedenom, donesena je odluka kao u dispozitivu.

**PRAVNA POUKA:** Protiv ove odluke može se izjaviti žalba Uredu za razmatranje žalbi Bosne i Hercegovine u dovoljnom broju primjeraka putem ugovornog organa, lično ili preporučenom poštom, u roku od **10 (deset) dana** od dana prijema iste.

Broj: 614 /26-DS

Zenica, 20.01.2026. godine



Direktor

Pašalić Muhammed, Mr.dipl.ing.el.

**DOSTAVITI :**

1x Ponuđači – preporučeno poštom s povratnicom

1x Uprava preduzeća

1x Odjeljenje za kadrovske i opšte poslove (D.S.)